

Inglés

- **Northern England Tour:** York, Second hand shop
- **Northern England Tour:** Stoke-on-Trent, Market
- **Northern England Tour:** Create your own avatar
- **Northern England Tour:** Travel diary
- **Vocabulary game:** Word wheel



Os contidos DIXIT son definidos polo profesorado para unha materia e curso concretos, pero poden ser empregados en outros niveis segundo o criterio docente e as características do seu alumnado.



Inglés

Northern England Tour

York: Second hand shop



Contido dinámico que incorpora un simulador conversacional co que o alumnado poderá aprender e practicar vocabulario e expresións referentes á roupa e aos accesorios, ás cores, ás tallas, aos materiais e aos gustos. Guiará o contido unha narrativa de un *tour* polo norte de Inglaterra e a cidade de York. O alumnado interactuará con diferentes personaxes para coñecer os seus gustos e entregarlles catro pezas de roupa distintas: unha parte de arriba, unha de abaixo, un calzado e un accesorio.

Nota: Este contido é a primeira parada da iniciativa Northern England Tour, que conta con outra parada (contido “Stoke-on-Trent: Market”) e un diario de viaxe para rexistrar as distintas experiencias (contido “Travel diary”). Aínda que a iniciativa está deseñada de xeito secuencial, os contidos tamén poden traballarse de forma illada.

Características destacadas:

- Simulador conversacional que incorpora locucións reais e permite ao alumnado manter conversas coas e

cos personaxes.

- Narrativa atractiva en formato cómic.
- Actividade personalizada na que o alumnado emprega o seu propio avatar para integrarse no contido.
- Combinación de actividades que permiten traballar as competencias comunicativas a todos os niveis (comprensión e expresión oral e escrita).
- Diálogos subtítulados.
- Xeración de actividades aleatorias para que o alumnado poida interactuar con personaxes diferentes.
- Incorporación dun glosario de traducións cos termos relevantes do contido.
- Personaxes diversas que fomentan o respecto a todas as persoas.

Idioma do contido: inglés.

Obxectivos:

- Introducir o *tour* polo norte de Inglaterra e a cidade de York.
- Presentarse de forma oral e escrita.
- Manter conversas breves no contexto dunha tenda de roupa.

- Comprender e expresar gustos e preferencias con respecto á roupa e aos complementos.
- Coñecer o nome das distintas pezas de roupa, das cores e dos materiais.

Contidos:

- As pezas de roupa.
- Os tipos de roupa.
- Os materiais.
- As cores.
- As tallas.
- A cultura inglesa.

Número de sesións estimadas:

Segundo criterio docente e nivel do alumnado.



Inglés

Northern England Tour

Stoke-on-Trent: Market



Contido interactivo que incorpora escenarios de *scape room* nos que o alumnado terá que superar retos nos distintos postos que forman parte do Mercado de abastos da cidade de Stoke-on-Trent para conseguir premios que intercambiar por un artigo de recordo na tenda de *souvenirs*.

Cunha gran variedade de exercicios diversos, o alumnado poderá aprender e practicar vocabulario e expresións referentes á vaixela e á porcelana, aos téis, á panadaría e pastelería e ás cooperativas de alimentos ecolóxicos, ao tempo que coñece a cultura inglesa.

Nota: Este contido é a segunda parada da iniciativa Northern England Tour, que conta con outra parada (contido “York: Second hand shop”) e un diario de viaxe para rexistrar as distintas experiencias (contido “Travel diary”). Aínda que a iniciativa está deseñada de xeito secuencial, os contidos tamén poden traballarse de forma illada.

Características destacadas:

- Narrativa atractiva en formato cómic.

- Actividade personalizada na que o alumnado emprega o seu propio avatar para integrarse no contido.
- Escenarios interactivos e estratexias de gamificación para motivar a participación e o interese do alumnado.
- Combinación de actividades que permiten traballar as competencias comunicativas a todos os niveis (comprensión e expresión oral e escrita).
- Actividades con sons integrados.
- Personaxes diversas e diversos que fomentan o respecto a todas as persoas.

Idioma do contido: inglés.**Obxectivos:**

- Coñecer parte do norte de Inglaterra e a cidade de Stoke-on-Trent.
- Coñecer o nome dos distintos produtos de cerámica, panadaría, pastelería e froitaría, así como dos téis e dos *souvenirs*.
- Identificar as características das distintas tipoloxías de téis.
- Coñecer os pratos e sobremesas

típicos da rexión e comprender as receitas de comida.

- Presentar os postos e os produtos tradicionais do mercado inglés.

Contidos:

- O mercado e o comercio de proximidade.
- A vaixela e a porcelana.
- Os téis.
- Os produtos de panadaría.
- Os produtos de pastelería.
- As froitas e as verduras.
- A cultura inglesa.
- As cores.
- Os números, as cantidades e os prezos.

Número de sesións estimadas:

Segundo criterio docente e nivel do alumnado.



Inglés

Northern England Tour

*Create your own
avatar*

Contido interactivo que integra un editor de avatares animados no que o alumnado poderá crear a súa propia representación escollendo trazos físicos, expresións, roupa, accesorios...

A través da representación con avatares poden traballarse aspectos relacionados co benestar emocional e social como o autoconcepto, a autoestima ou o respecto cara as demais persoas.

O contido incorpora, ademais, breves explicacións e curiosidades sobre o concepto de avatar, así como unha batería de actividades complementarias enfocadas a fomentar a creatividade na aula.

Características destacadas:

- Actividade personalizada na que o alumnado crea o seu propio avatar.
- Gran variedade de deseños para a creación do avatar (peles, pelos, ollos, bocas, cellas, roupas, accesorios etc.).
- Deseños diversos e inclusivos que permiten a representación de diferentes realidades raciais, de

capacidade, de relixión etc.

- Imaxe resultante descargable en formato png.
- Posibilidade de crear e descargar todos os avatares que o alumnado desexe.
- Actividades complementarias para desenvolver individualmente ou en grupo.

Idioma do contido: inglés.**Obxectivos:**

- Mellorar o autoconcepto e a autoestima.
- Traballar na autodefinición e a representación.
- Fomentar a creatividade.
- Profundar na expresión plástica das emocións.

Contidos:

- Os avatares: definición, significación, simbolismo e creación.
- Orixe dos avatares.
- Usos creativos dos avatares.

Número de sesións estimadas:
1 sesión.

Inglés

Northern England Tour

Travel diary

Contido interactivo que permite ao alumnado crear o seu propio diario de viaxe rexistrando as súas experiencias nas distintas paradas da iniciativa Northern England Tour. A narrativa do tour polo norte de Inglaterra e a creación dinámica do diario, que recolle as preferencias de cada persoa no seu deseño (cor, fotografías etc.), motivan ao alumnado a anotar un breve resumo de cada contido e unha lista de conceptos ou expresións aprendidas, contribuíndo así á asimilación do coñecemento adquirido e a súa expresión escrita.

Nota: Este contido forma parte da iniciativa Northern England Tour, que conta con dúas paradas do tour polo norte de Inglaterra (contidos “York: Second hand shop” e “Stoke-on-Trent: Market”). Recoméndase empregar este contido de forma combinada cos outros dous, como ferramenta adicional de rexistro e/ou autoavaliación. Aínda que a iniciativa está deseñada de xeito secuencial, os contidos tamén poden traballarse de forma illada; nese caso, recoméndase empregar unicamente a

páxina de datos persoais e as páxinas do diario correspondentes ás paradas traballadas.

Características destacadas:

- Narrativa atractiva vinculada ao tour polo norte de Inglaterra.
- Actividade personalizada na que o alumnado crea o seu propio Carné de Viaxe escollendo a cor de fondo, o seu propio avatar como foto-carné e as fotografías que quere colocar de cada un dos lugares visitados.
- Combinación de actividades que buscan afianzar o coñecemento adquirido na iniciativa e mellorar a comprensión e expresión escrita.

▪ **Idioma do contido:** inglés.

Obxectivos:

- Coñecer parte do norte de Inglaterra.
- Promover a expresión escrita en inglés do alumnado.
- Favorecer a asimilación de vocabulario aprendido no transcurso da iniciativa.
- Fomentar a capacidade de síntese do alumnado.

- Incentivar o interese do alumnado pola lectura e a escrita en inglés.

Contidos:

- O diario de viaxe.
- As presentacións e os datos persoais.
- As cores.
- As datas.
- O resumo.
- Vocabulario diverso.

Número de sesións estimadas:

Segundo criterio docente e nivel do alumnado. Recoméndase dedicarlle parte dunha sesión cada vez que se remate un dos outros contidos da iniciativa.



Inglés

Vocabulary game

Word wheel

Contido interactivo destinado a aprender e practicar vocabulario a través de roscos de palabras. O alumnado deberá escribir o termo que se identifique coa definición aportada e que empece ou conteña cada unha das letras que compoñen o rosco. O contido inclúe catro roscos con distintas temáticas: froitas e verduras, roupa, medios de transporte e profesións. Cada rosco ten un tempo límite para poder resolvelo.

Características destacadas:

- Roscos de palabras para aprender e practicar vocabulario.
- Inclusión dun rosco por cada temática a traballar: froitas e verduras, roupa, medios de transporte e profesións.
- Temporalización para resolver cada un dos roscos.

▪ **Idioma do contido:** inglés.

Obxectivos:

- Promover a expresión escrita en inglés do alumnado.
- Practicar vocabulario sobre as froitas e verduras, a roupa, os medios de transporte e as profesións.

- Favorecer a asimilación de novos termos.
- Desenvolver a capacidade de relacionar a palabra que se corresponde coa definición ofrecida.

Contidos:

- Roscos de vocabulario.
- Froitas e verduras.
- Roupa.
- Medios de transporte.
- Profesións.

▪ **Número de sesións estimadas:** Segundo criterio docente e nivel do alumnado.

